

حزینہ محکمہ

۱۲۹۰

جمعه ایرتسی

نومرو ۳۷۱ ربيع الاول ۲۱ سنه ۱۳۰۴
کانون اول ۶ سنه ۱۳۰۲ صحیفه ۳۸۵۵

- اشبو غزته بهر هفته جمعه ایرتسی کونلری چیقار سنه لکی درسمعات ایچون مجیدیه
- یکرمی غروش حسابیله التمش غروشدر طشره ایچون اون بش غروش پوسته اجرتی ضم اولنور بهر
- نسخه سی ینه مجیدیه یکرمی غروش اولق اوزره یوز پاره یه هر یرده صاتیلور درج اولنه جق اعلاناتک
- هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائره سنده کائن
- جریده محاکم اداره سنه مراجعت ایلیلدر

قسم غیر رسمی

(محکمہ تمیز حقوق دائرہ سی)

اصول محاکمہ تجارت نظامنامه سنک اصول محاکمہ
حقوقیه قانونه مخالف اولان جهاتک مفسوخ
اولدیغی قانون موقت مز بورک ایکیوز طقسان
التنجی ماده سنی ولی ایدن ماده مخصوصه احکامی
اقتضاسندن اولسنه وقانون مز بورک حکم غیابی
فصلنده اعتراض علی الحکم مدتی ایچون اوتوز
بر کونه مهل تعیین قلمسنه کوره بو مهلاک

قسم رسمی

توجیہات

حلب بدایت محکمہ سی مدعی عمومی معاونی
جدی افندی به رتبه ثالثه
سلانیک بدایت محکمہ سی مدعی عمومی معاونی
اراستیدی افندی به رتبه ثالثه
قلعه سلطانیه تجارت محکمہ سی ریاستی مدلو
مدعی عمومی معاونی سابق یوسف سلامی
افندی به توجیه بیورلشدر

خارجنده ویریلان اعتراض علی الحکم استدعاریک
تجارت محکمه رنجبه ردی لازمکور

(خلاصه اعلام)

چال قضا سنه تابع بقلان ناحیه سی داخلنده
مخودغازی قریه سی اهلایسندن حسن اوغلی حسین
و علی بک زاده حاجی شریف و سیدلی قریه سنه
مقیم حاجی اوغلی محمد افندیلرک بروسه تجارت
محکمه سندن استینافاً استحصال ایلدکری اعلام
غیایه اعتراضی حاوی چال قضا سنه مقیم
گریدلی یورغاک کستوراک طرفندن اعطا قلنان
اعتراض علی الحکم استدعاسندنطولایی اجرا
قلنان محاکمه مدعی علیهم مز بورون طرفندن
عرضحال مذکورک مدت نظامیه سی اولان
اوتوز برکون مروردنصکره ویرلدیکی بیانیله
ردی مدافعه درمیان فلنش ایسه ده محاکم
تجارتده حکم غیای حقیقه اصول محاکمه تجارت
نظامنامه سی احکامنه توفیقاً اجرای معامله اولنسی
متضمن اولان فی ۲۳ کانون ثانی سنه ۹۵
تاریخی تحریرات علیه ده یالکز بر دفعه دعوتیه
ارسالنه حصر کیفیت ایلامش اولسنه نظراً
محاکم مذکوره جه سالف الذکر نظامنامه نک
حکم غیای فصلنک تماماً مرعی الاجرا طوتلمسی
اقتضا ایده جکنه و فصل مذکورک یتش ایکنجی
ماده سنه جلب واحضار اولنوبده کلیانر علیه

حق اولان حکم غیای اعلامی تاریخندن اعتباراً
نهایت التي ماه طرفنده اجراسنه تشبث اولندیغی
صورتده حکم غیای مذکورک کان لم یکن حکمنده
طوتیله جنی مسطور بولنسنه مبین مدعی علیهم
طرفندن اصول محاکمه حقوقیه قانون موقتی
احکامنه استناداً مدت اعتراضک اوتوز برکون
اولدیغنه دائر درمیان اولنان ادعائک ردیه قرار
ویراسی اوزرینه مرقومان حسین و حاجی شریف
و محمد افندیلر جانبدن تمیزاً تدقیق کیفیت یدلمسی
استدعا اولنسنه بناء محکمه تمیز حقوق دائره سی اسباب
ایه به مبنی مرقوم یورغاک کستوراکینک غیاینده
اعلام مذکورکی نقض ایشدر

(فقره حکمییه)

ایجابی مذاکره اولندقه تمیز اولنان اعلامک
نتیجه مفادی مدعی علیه یورغاکینک اعلام غیای
علیهنده کی اعتراض علی الحکم استدعاسی مدعی
طرفنده ویرلدیکنه دائر مستدعیلرک درمیان
ایلدکری اعتراضک ردی قرارندن عبارت اولوب
اشبو قرار علیهنده مستدعیلر وکیلی جدی
افندیلرک باشلوجه اعتراضی ایسه اصول محاکمه
تجارت نظامنامه سنک اصول محاکمه حقوقیه
قانون موقتی احکامنه مخالف اولان موادینک
منسوخ اولدیغی قانون مذکورک ایکی یوز طقسان
التنجی ماده سنی ولی ایدن ماده مخصوصه ده
مصرح اولدیغی و بناء علیه اعتراض علی الحکم
مدتک دخی اوتوز برکوندن عبارت اولهرق

اندنصکره ویریلان استدعاریک شایان قبول
اوله میه جنی قانون مذکورک یوز الی
اوچنجی ماده سی احکامندن بولنسی یغی حالده
محکمه مذکوره جه بوراسی نظردقه التماسی
خصوصی اولهرق واقعا اصول محاکمه تجارت
نظامنامه سنک اصول محاکمه حقوقیه قانوننه
مخالف اولان جهاتک منسوخ اولدیغی قانون
موقت مزبورک ایکویز طقسان التنجی ماده سنی
ولی ایدن ماده مخصوصه احکامی اقتضاسندن
اولسنه و قانون مزبورک حکم غیای فصلنده
اعتراض علی الحکم مدعی ایچون اوتوز برکون
مهل تعیین قلمسنه کوره محکمه مذکوره جه
مرقوم یورغاک طرفندن ویریلان اعتراض
علی الحکم استدعاسنک رد ایلمسی لازمکورکن
اشبو ماده ایله منسخ اولان اصول محاکمات
تجارت قانونک حکم غیای فصلنه توفیقاً مذکور
اعتراض استدعاسنک قبول ایلمسی مغایر قانون
اولهرق مستدعیلر وکیلنک بوباده کی اعتراضی
شایان قبول کورلدیکنه و مدعی علیهک اعلام مذ-
کورک تمیزی جاز اوله میه جنی حقیقه کی اعتراضی
غیر وارد ایدوکنه بناء اصول محاکمه حقوقیه
قانون موقتک ایکویز اوتوز ایکنجی ماده سنه
توفیقاً اعلام مذکور نقض ایلمش اولغله کیفیتک
قانون دائره سنده اعلامه ربطی ضمننده بروسه
تجارت محکمه سنه اعاده سنه و اعلام خرجی
اولان ایکی یوز غروشله صورت و تبلیغ خرجلری
بولنان قرق غروشک ایکویز اوج غروش مصارف

محاکمه ایله برابر ایلروده حقیقه چقیقه جق طرفه
رجوع ایتک اوزره اول امرده مستدعیلر دن
النسنه فی ۲۵ کانون اول سنه ۳۰۱ تاریخنده
متفقاً قرار ویریلرک وکیل موعی ایله جدی افندی یه
تفهیم قلندی


محکمه تمیز جزا دائره سی

دلایل موجوده نک تعیین درجاتی هیئت محکمه نک
وجداننه محمول امور تقدیریه دن بولنسنه نظراً
دلایل مذکورنک حکم ایچون درجه کفایه ده
اولدیغندن بختله درمیان ایدیلان تمیز استدعاسنک
ردی لازمکور

ارغنی سنجای بدایت محکمه سندن برائت حکمی
متضمن غیاباً ویریلان فی ۳ جاذی الاخره سنه
۳۰۰ و فی ۳۰ مارت سنه ۹۹ تاریخی و بش نومرولی
اعلامک تمیزاً نقصی محکمه مذکوره مدعی
عمومیلکنندن استدعا اولنهرق مذکور اعلام ایله
اوراق متفرعه سی دیار بکر ولایتی محکمه استینافیه سی
مدعی عمومیلکنندن با تحریرات ارسال و باش
مدعی عمومیلک مأموریت علیه سندن دخی فی
۱۹ صفر سنه ۳۰۱ و فی ۸ کانون اول سنه
۹۹ تاریخی ویدی یوز قرق دوت نومرولی

MILLI KÜTÜPHANE
ANKARA

اوچيوز اون بشنجى ماده موجبنجه اصول
وقواعد قانونيه نك حسن جريانى تايمين مقصدينه
مبتنى اوليوب مع مافيه دلائل موجوده نك تعيين
درجاتى هيئت محكمه نك وجدانته محموله امور
تقديره دن بولمسنه بناء استدعاى مذكورك بر
موجب تبليغنامه ردينه قرار و برلدى



(محكمه تمميز جزا دائره سى)

بر اعلامك محكمه تمميز جانبدن نقض اولمى
اوزرينه اصول محاكمات جزائيه قانون موقتك
اوچيوز قرقنجى ماده سى حكمنجه يكيدن تشكيل
طرفين ايله اجراى محاكمه ايدلمى ايجاب ايدر

اسكدارده تونجى سعيد اغانك خانه سندن اچيه
ومجوهرات المش وجاربه سى فراچى بي قوبى يه
القا ايله اتلاف ايلش اولان خرپوتى يوسف ايله
نوشهرلى محمد حقنده جريان ايدن تحقيقات
نتيجه سنده مزبوره فراچى بي مرقوماندن قنغبنك
قوبى يه اتديغى تين ايدمه ديكسندن يكديكرينه معين
قائل اعتباريله قانون جزانك يوز يتمش بشنجى
ماده سنه توفيقاً اون بشرسنه مدله كوركه قوللرينه
دائر مقدمات و يريلان مضبطه محكمه تمميز جزا

تبليغنامه ايله محكمه تمميز جزا دائره سنه اعطا اولمش
ومذكور اعلام مالى بالو قضا سنه تابع محمودلى
قره سى اهالى سندن مؤمنك زوجيه سى فاطمه نك
كفيت قنلندن طولاي جنايله اتهام اولنان قريه
مذكورولى قره مان اوغلى اسماعيل ايله معينى
ديلان موسى اوغلى سليمانك عليه رنده بولنان
دلائل واخبارات محكوميتلرينه درجه كافيه ده
كوريله ماملكه براتلرينه غياباً قرار و يرلديكى
حاوى ومدعى عمومينك لايحه اعتراضيه سى
مفادى دخى اخبارات واقعه حكم ايجون درجه
كفابه ده بولنديغندن بحثله اصول محاكمات جزائيه
قانون موقتك اوچيوز اون درديجى ماده سى
موجبنجه اعلام مذكورك مادياً نقضى محتوى و
ذكر اولنان تبليغنامه دخى اوچيوز اون بشنجى
ماده موجبنجه براتت حكمنه خلل كليه جكسندن
اعلام مذكورك مادياً نقضنه جواز قانون اولديغى
جهتله استدعاى مذكورك ردى طلبنى متضمن
بولمش اولغله محكمه تمميز جزا دائره سى اسباب
آتيه به مبنى فى ۱۸ رجب سنه ۳۰۱ و فى ۲
مايس سنه ۹۹ تاريخلى و ۴۱۰ نومرولى قراريله
اسباب آتيه به مبنى اعلام مذكورى نقض
ايتشدر

اوراق ساره دخى قرائتله تدقيقات تمميزيه به
ابتدار اولندقدده تبليغنامه ده كوسترلديكى اوزره
مدعى عمومينك سالف الذكر اعتراضاتى مذكور

دائرة سندن لدى التدقيق مر قوماندن محمدك وقعه
كجه سى سعيد اغانك اونده يوسفله برابر بولنديغى
سويلديكنه دائر مخبرلك عبارته استنطاقيه لرنده
صراحت كوريله ميوب بالعكس سرقت كجه سى
برابر بولنديغى منكر اولديغى مندرج ايكن كرك
مضبطه مرقومه ده و كرك ضبطنامه ده مرقوم
محمدك برابر كسدديكى وحى تقود ومجوهراتى
يوسف منديله قويوب كندوسنك يغمورلغى دخى
فراجه اكسا ايدلديكى سويلديكى مخبر احمد
اونباشى طرفندن خبر و يرلديكى كوسترلش و بو
ايسه استنطاقنامه مندرجاته ميبان بولمش
اولديغنه مبنى مذكور مضبطه نك نقضنه قرار
ويريله رك اوراق متفرعه سيله برابر اعاده قلمسى
اوزرينه ذكر اولنان جنائت محكمه سندن اخيراً
تنظيم قننان فى ۲۸ ذى الحجه سنه ۹۸ و فى ۹
تشرين ثانى سنه ۹۷ تاريخلى و اون نومرولى
اعلام ايله اوراق متفرعه سى باش مدعى عموميك
مأموريت بهيه سندن فى ۱۹ محرم سنه ۳۰۰
و فى ۱۸ تشرين ثانى سنه ۹۸ تاريخلى و طقوز
يوز بر نومرولى تبليغنامه ايله محكمه تمميز جزا
دائرة سنه اعطا قلمغله مطالعه اولمش ومذكور
اعلام بوباده مخبرلك ميان محكمه ده و يرلكرى
ايضاحات وتفصيلات روش وقوعانله محقق
ومتقوله فراحك رقيقه سى منكشه نك افادايه
مصدق ومرقوماندن يوسفك اقراريله دخى مؤيد
ايكن تفصيلات مسروده نك ضبطنامه ده بولونده
عبارته استنطاقيه لرنده بولنامه سى مقوضيت حكمنى

استلزام ايدمى حاكم مواددن اولنديغندن حكم
سابقك ابقا اولنديغى بيانندن عبارت بولمش
وذكر اولنان تبليغنامه ده دخى اعلام مذكوره
نظراً حكم سابقه اصرار اولمش اولنديغى
وبنا برين ايشك محكمه تمميزك هيئت عموميه سنه
تدقيق لازم كله جكي دركار كى ايسه ده محكمه
جنائت اولكى اعلامى محكمه تمميز جزا دائره سنك
فى ۱۸ شوال سنه ۹۸ تاريخلى وايك يوز سكسان
طقوز نومرولى اعلاميله نقض اولنهرق وجودى
محو اولمش و بر محكمه حكمنه اصرار ايدمى بيلور
ايسه ده بوده طرفينك تشكيليله عن محاكمه كيفيتك
رؤيتنه متوقف بولمش اولديغى حالده محكمه
جنائت اعلامى عن محاكمه و يرلش اوليوب عاداتا
دركنار مقامنده اولغله برابر ذاتاً حكمنى مقوض
اولان اعلام سابقه بناء ايدلش اولديغى جهتله
اعلام حكم وقتنده اولنديغندن مؤخرأ بعدالمحاكمه
قانون دائره سنه اعلام و يرلديكى وحكم سابقه
اصرار اولنديغى تقديرده هيئت عموميه به
مراجعت اولتمق اوزره شمديلك مذكور اعلامك
نقضى لازم كله جكمنك تبليغى بيان قلمش اولغله
محكمه تمميز جزا دائره سى اسباب آتيه به مبنى فى
۱۴ جاذى الاول سنه ۳۰۱ و فى ۲۹ شباط
سنه ۹۹ تاريخلى و ۲۴۹۷ نومرولى قراريله
اعلام مذكورى نقض ايتشدر

خصوص مذكور حقنده مقدمات و يرلش اولان

مضبوطه نك نقض اولئسى اوزرینه محكمه جنایته یكیدن
تشکیل طرفین ایله اجرای محاکمه ایلمسی اصول
محاکمه جزاییه قانونک اوچیوز قرقجی مادهسی
حکمنجه مقتضی ایکن یالکز اوراق مطالعه سیله
ویریلان قراری مبین تمهیر اولنان مذکور ورقه یه
اعلام نظریله باقیله میوب بناء علیه تمیزه صالح
اوله میه جغندن کیفیتک اصولی دائره سنده رؤیت
و محاکمه سیله ایجاب ایدن اعلامک اصداری ایچون
اوراق مرقومه نك اعاده سنه قرار ویرلدی

محکمه تمیز جزا دائره سی

مواد جزاییه ده دلائل و امارات ایله دخ حکم اولئق
قاعده سنه نظراً بر دعواده موجود اولان دلائل
و اماره یه انضمام ایدن شهادتک ردیله متهمک
برائت ذمته حکم اولئسی اصول محاکمات جزاییه
قانون موقتک اوچیوز اون بشجی اوچیوز قرق
سکزنجی اوچیوز اون دردنجی ماده لری موجبنجه
نفعاً للقانون نقض حکمی اتاج ایدر.

یوزفاد سنجاغی بدایت محکمه سی جزا دائره سندن
برائت حکمنی حاوی ویریلان ۷ ربیع الاول سنه
۳۰۰ و ۴ کانون اول سنه ۹۸ تاریخی و یوزالی
ایکی نومرولی اعلامک تمیزاً نقضی مستدعی محکمه
مذکوره مدعی عمومی معاو نلکندن اعطا قلنان
لایحه اعتراضیه ایله اعلام مذکور و اوراق متفرعه سی

اتفره ولایتی مدعی عمومی لکندن با تحریرات ارسال
وباش مدعی عمومی لک مأموریت بهیه سندن دخ
۸ ذی الحجه سنه ۳۰ و ۲۸ ایلول سنه ۹۹ تاریخی
ودرت یوز یکریمی نومی نولدی تبلیغنامه ایله محکمه
تمیز جزا دائره سنه اعطا قلئغله و مذکور اعلام بالی
اواء مذکورده واقع ایچ ناحیه سنه تابع قرقم قره لی
مصطفی کیمیا اوغلی اون بش یاشنده علی به جبرا
فعل شنیع اجرا ایتمک جنایتیه اتهام اولنان قیبه
مذکورلی تانار اوغلی حسین ایله عوجه سی اوغلی
عمر علیهنده اخبار ماده ایدن شاهدلرک مدعی
شخصی مزبور علی به صهرآ قرابتلری اولدیغی
افاده لرندن اکلا شلدیغی جهته اصول محاکمات جزاییه
قانون موقتک ایکیوز یتش اوچنجی ماده سی موجبنجه
اخبارلری شایان قبول کوریله میوب شهادت و قعه
لرینک ردیله متهمان مرقومان حسین و عمرک برائت
ذمترینه حکم اولندیغی حاوی اولوب ذکر اولنان لایحه
اعتراضیه ده دخ محاکم نظامیه اماره ایله دخ حکم
ایده بیله جکی وادما اولنان دعواده ایسه اوراق
میابنده بولنان طیب راپورتو اماره قویه بولندیغی
ومع ما فیله قانون مذکورک ایکی یوز یتش اوچنجی
ماده سنده قانوناً شهادت و اخبارلری ممنوع اولان
مخبرلر میابنده مدعی شخصینک دایی زاده سنک
شهادتیه بر مخبرک عسکرده اولان برادرینک مدعی
شخصینک قائنی اولسندن طولایی اولباده وقو -
عبولان اخبارک ممنوعیتنه دائر صراحت اولدیغی
حالده مخبران مرقومانک دخ بلا سبب قانونی
اخبارلرینک استماع و قبول اولنماسی نقض حکمی
مستلزم احوال دن بولئغله اعلام مذکورک نقضی

طلب اولئش و تبلیغنامه دخ واقعا اصول محاکمات
جزاییه قانون موقتک اوچیوز اون بشجی
ماده سی موجبنجه بومقوله احوالده برائت حکمنه
خلل کلیه جکی جهته اعلام مذکورک عادیاً نقضنه
جواز قانونی بوغیسه ده متهمک برائی حالنده
بو حکمی متضمن اولان اعلامک و معاملات
و تحقیقاتک تمیزاً نقضی برائت حکمنه خلل کلامک
شرطیله مجرد قانونک حسن جریاننی تأمیناً مدعی عمومی
طرفندن ادما اولنه بیله جکی ماده مذکورده احکامی
اقتضا سندن بولندیغنه و سالف الذکر ایکیوز یتش
اوچنجی ماده ده مسموع اوله میه جغنی تعداد
و تصریح ایدیلان شهادتلرک و متهم و مظنون علیهک
لهنده و یا علیهنده دخ تعلقاتی طرفندن درمیان
ایدیله جک بر شهادتک ایسه افراد عائله بیننده انتظام
و اسایش داخلی بی اخلال ایده جک پک چر کین
احوال دن عدا اولئسی و اساساً شهادتده دفع مضرت
و جلب منفعت داعیه سی اولماق مشروط بولئسی
مطالعاتنه نظراً قانون مذکورک مأخذی اولان
فرانسه ایله سائر اوروپا دولترنده جاری اولان
قواعد عمومی به کوره متهمک ماده مذکورده
معین اولان درجه ده اقاربی طرفندن نه لهنده ونه ده
علیهنده وقوعبولان شهادتک استماعی جائز دکل
ایسه ده بو ایسده شاهدلر طرفندن وقوعبولان
افادات ایسه ذکر اولنان ایکیوز یتش اوچنجی
ماده ده مسموع اولدیغی تعداد و بیان اولنان
درجه ده متهمک اقرباسی طرفندن وقوعبولیوب

مدعی شخصینک تعلقاتی طرفندن درمیان ایدیلان
اخبار اتدن عبارت اوله رق حقوق شخصیه جهندن
طولایی مدعیلرک اقرباسی طرفندن لهنده وقوعبوله
جق شهادتک استماعیله بونلرک افادات و معلومات
و مشهوداتنه مراجعت اولنماسی ماده سی قانوناً
مسموع اتدن اولدیغندن بونلرک شهادتلری دخ استماع
اولئق لازمکله جکنه مبنی اصول محاکمات جزاییه
قانون موقتک اوچیوز اون دردنجی اوچیوز
قرق سکزنجی ماده لری احکامجه طرفین استفاده
ایتامک اوزره اعلام مذکورک قیدی بالاسنه شرح
ویرلک ایچون نفعاً للقانون نقضی لازم کله جکنی
محتوی بولئش اولغله محکمه تمیز جزا دائره سی
اسباب آتیه به مبنی ۱۰ جاذی الاول سنه ۳۰۱
و ۲۵ شباط سنه ۹۹ تاریخ و ۲۳۰۴ نومرولی
قراریله اعلام مذکورق نقض ایتمشدر
اوراق سائر ده دخ قرائتله تدقیقات تمیزیه به ابته دار اولند -
قده واقعا اصول محاکمات جزاییه قانون موقتک اوچیوز
اون بشجی ماده سی موجبنجه بومثلو برائت حکمنی حای
اولان اعلاملرک و معاملات و تحقیقاتک تمیزاً نقضی
برائت حکمنه خلل کلامک شرطیله مجرد قانونک
حسن جریاننی تأمیناً مدعی عمومی ل طرفلرندن ادعا به
صلاحیت اولوب بو صلاحیت اوچیوز قرق
سکزنجی ماده ده کوستریلدیکی وجهله باش مدعی -
عمومیلک مأموریت علیه سنه دخ ویرلش بولندیغندن
و ذات مهملته کلنجه مواد جزاییه ده دلائل و امارات
ایله دخ حکم اولئق قاعده سنه نظراً دعوا ی مجحوت

عنهاده موجود اولان دلائل و اماره به انضمام
 ایدن شهادتک اولوجهله ردیله مرقومانک برائت
 ذمئله رینه دأر محکمه مذکوره دن اعطایا قلنان
 حکمه اصابت قانونیه اولدیغنه مبنی تبلیغنامه ده
 طلب اولندیغی وجهله اعلام مذکورک ذکر اولنان
 اصول محاکمه قانونک مواد مذکور سبله اوچوز
 اون دردیجی ماده سنه توفیقاً طرفین استفاده
 ایتمک اوزره نفعاً للقانون نقضه و خرج
 تعرفه سنک قرقجی ماده سی منطوقجه نقض
 اعلامی خرجی اولان ایکوز غروشک استیفاسنه
 اکثریله قرار ویرلدی

(خانجی علی بک قپان دقیق جوارنده خواجه)
 (خلیل عطار محله سنه اولان و دروننده امانت)
 (اشیا بولنان او طه سنه سرقت قصدیله کیردکاری)
 (حالده اسباب مانعه حیلوتیله فعله کتوره -)
 (مدکاری ادعا اولمسندن طولایی مظنون علیه)
 (بولنان حسن و محمودک محاکمه علنیه لری)
 (ضبطنامه سیدر)

بک اوچوز ایکی سنه سی اغستوسنک اون
 سکرنجی بازار ایرتسی کیجه سی خانجی علی بک
 قپان دقیق جوارنده خواجه خلیل عطار محله -
 سنه اولان و دروننده امانت اشیا بولنان

اوطه سنه سرقت قصدیله کیردکاری حالده اسباب
 مانعه حیلوتیله فعله کتوره مدکاری ادعا اولمسندن
 طولایی مظنون علیه بولنان حسن و محمودک
 جنایتله اتهاملرینه دأر هیئت اتهامیه دن تنظیم
 اولنان فی ۲۰ محرم سنه ۳۰۴ تاریخلی و
 ۲۷۱ نومرولی مضبطه ایله استیناف مدعی
 عمومیلکنک فی ۲۵ محرم سنه ۳۰۴ تاریخلی
 و ۹۳۲ نومرولی اتهامنامه سی اوراق متفرعاً -
 سیله و ۲ صفر سنه ۳۰۴ تاریخنده محکمه
 جنایتله تودیع اولغله بالمطالعہ اصول محاکمات
 جزائیة قانون موقتنک ایکوز قرق سکرنجی
 و ایکوز قرق طقوزنجی ماده لرینه توفیقاً مرقومان
 حسن و محمود شهر صفرک بشنجی کونی توفیقخانه دن
 جلب ایله لدی الاستجواب مدافعه لرنده معاونت
 ایتمک اوزره محکمه نزدنده بولنان دعوی
 وکیلرندن رجائی افندی بی بالانتخاب وکیل تعیین
 ایلدکاری نی سوتلر بله قانون مذکورک ادعای
 مفسوخیت حقنده اولان ایکوز الی برنجی
 ماده سی مندرجائی اخطار قلندیغی مبین طوتیلان
 ضبط ورقه سی تحت امضایه الدیرلدی
 ادعای مفسوخیت ایچون معین اولان مدت قانونه
 منقضیه اولغله مرقومانک اجرای محاکمه لری
 شهر صفرک اون دردیجی چهارشنبه کونه قرار
 لشدیرلدی
 بوم مذکورده ساعت سکرز راده لرنده مرقومان
 حسن و محمود قانون مذکورک ایکوز التمش

اوچنجی ماده سنه توفیقاً توفیقخانه دن جلب ایله
 وکیلاری رجائی افندی یا لرنده بولندیغی و مدعی
 عمومی معاونی عزتلو جدی افندی ایله مدعی
 شخصی علی بک حاضر اولدقاری حالده محاکمه
 علنیه به بالابتدار مرقومان استجواب اولدقدہ
 بولردن حسن بروسه لی و قرق بش و محمود دخی
 عربکیرلی و اوتوز بش یاشرلرنده اولوب مناو
 اصنافندن اولدقاری نی سوتلر بله کندولرینه
 وکیلاری مومی الیهه قانون مذکورک ایکوز
 التمش دردیجی و ایکوز التمش بشنجی ماده لری
 احکامی بهدالخطار اتهام مضبطه سیله اتهامنامه
 ضبط کاتبی انور بکه قرائت ایتدیرلدی
 مضبطه مذکورک مالی مرقومان حسن
 و محمود مدعی شخصی علی بک امانت اشیا
 بولنان او طه سنه سرقت قصدیله کیردکاری
 کور یلوب طوتلدقاری نیک اخبار اولمسنه و کندو -
 لرینک محکوم سابقه لی بولمسنه و اوزر لرنده
 خرسز لره مخصوص الات کورلسته نظراً سرقت
 مذکوریه تصدی ایتدکاری اکلاشلش و حرکتلری
 قانون جزانک ایکوز و اوتوزنجی ماده سی علاوه سی
 منطوقجه ایکوز یکرمنجی و سکرنجی ماده لری
 حکمنی مستلزم افعال جنایتیه دن بولتمش اولدیغندن
 اولوجهله اتهاملرینه قرار ویرلدیکنی و اتهامنامه نک
 مؤداسی دخی مضبطه مذکورده مدلولاتی وجهله
 مرقومانک متهم بولندقاری نی بیانندن عبارتدر .
 قانون مذکورک ایکوز التمش التجی ماده سنه

تطبيقاً اتهامنامه نک خلاصه سی مرقومان حسن
 و محمود تفهیم و معاون مومی الیه طرفندن اسباب
 اتهاملری تفصیل و تشریح اولدقدن صکره لدی
 الاستجواب بولردن حسن برکون اون قپاننده
 واقع قهوه خانه ده اوتورمقده ایکن زقاقندن کچمکده
 اولان و کندوسنی اشارتله چاغران ایکی آفته نک
 ارقه لری صره کندیکنده یانه جق یرک وار ایسه
 کیدرز دیمر بله برلکده محمودک سرکیسنه بالهزیمه
 کیفیتی حکایه و محمود دخی علی بک
 خانک عرصه سنه انارز دیه رک آفته لره کچمه
 ساعت براده لرنده کلرینی تنبیه ایلدکارندن
 و کندوسیده میخانه ده براز عشرت ایتدکن صکره
 محمودک سرکیسنه کلهرک کیجه ساعت بره قدر
 اوتوروب محو دن الیدیغی تعلیمات اوزرینه
 عرصه نک زقاق طرفنده کی تحت حواله نک قپوسنی
 التندن ایله قالدیره رق ایچرویه بالدخول قادیلری
 بکلمکده ایکن او یویه قالدیغنی و کیجه ساعت یدی
 راده لرنده او یانه رق خرسز وار دیو ایشندیکی
 بر فریاددن وقپونک طیشاروسنده تجمع ایتش
 اولان اهالیدن خوف ایله عرصه به متصل اولان
 فرو نک بیجه سنه اولادیغنده طوتلدیغنی ولدی السؤال
 کسه یه سلاح چکمدیکی کبی اوزرنده دخی خرسز
 آلتی بولندیغنی و محمود دخی مرقوم حسنک افاده سی
 بالتصدیق حسن عرصه یه کتدکن صکره کندوسی
 سرکیده افته لری کیجه ساعت درده قدر بکلوب
 کدکاری جهته یانه رق و کیجه ساعت یدی سکرز

راده لرنده پوليسر كلوب قالدیره رق باژورنال
 كوندردكر ينى بالبيان انكار نهمت ايلديلر .
 مدعى شخصى على بكدن صورت ادعاسى
 صورلدقده او كچه خانه سنده ياتمده ايكن عرصه
 مذ كوره به خرسز كيرديكى خبر و برلكله كتديكنده
 عرصه نك ميخلى اولان قپوسنك منتشه لرى ايله
 دروننده اشيا بولنان او طه قپوسنك كليدى ياننده كى
 پرواز نك قيرلمش و اشيا نك دخى قارشيديرلمش
 اولديغنى كورمش ايسه ده ضايعاتى اولديغنى
 تذكار ايلدى
 مدعى عمومى طرفندن و يريلوب قرائت اولنان
 پوصله ده اسملى محرر شاهدلردن دعوت واقعه
 اوزر ينه كلش اولان بكجى على و فرونجى طاهر
 واحد و اسماعيل بعد التحليف منفرداً و مواجّهة
 استماع اولندقلرنده بولردن بكجى على بر بازار
 ابرتسى كچه سى ساعت يدى راده لرنده محله ينى
 طولاشتمده سيمدجى فرونك او كنه كلديكنده
 مذ كور عرصه درونده بر پاطردى اولديغنى
 سويللى اوزر ينه فروندن ايكى سيمدجى چراغى
 ايله برابر عرصه به كله رك و قپولر ينى مرقومان
 چراقده بكتوب كندوسى عرصه نك ياننده بولنان
 خانه به كيره رك پنجره دن عرصه درونده باقش
 ايسه ده برشى كوره مديكندن و مذ كور فروندن
 بورايه اتلادى ديو باغردقلرندن كيدوب باقديفنده
 مذ كور فرونده بولنان اوشاقلر حسنى دردست
 ايتش اولدقلر ينى و طوتان اشخاصك اللرنده دخى
 بر تيمور ايله برده بچاق بولنوب سؤالنده بزه بچاق

چكدى و تيمورى دخى لندن الدق ديدكلر ينى افده
 و طاهر دخى او كچه فرونك بفتح سنده او تورمه
 ايكن چراقردن خليل ايله حسن على بكت
 عرصه سنده بر پاطردى وار ديملى اوزر ينه بكجى
 على دخى كچمكده اولديغندن معلومات و يروب
 براز صكره فرونه متصل اوج ادم بوبى بولنان
 ديواردن برينك فرون بجه سنه اتلاديفنى و النده
 دخى بر بچاق ايله برده تيمور بولنديغنى كوروب
 اجسد و اسماعيل ايله برلكده طوتدقلىنى و الدى
 السؤال بوصورتله طوتمش اولدقلىرى ادمك
 متهملردن حسن اولوب تيمور ايله بچاغى يره اتمش
 ايسه ده طاهر بردن الهرق پوليس افنديلره تسليم
 ايلديكى اخبار ايلديلر اساس ژورنالى دخى قرائت
 ايتدير لكده مالى مرقومانك الت مخصوصه
 استعماليله فعل سرقرته تصدى ايلدكلر ينى تفصيلات
 مسروده وجهله تكرار دن عبارت اولديغى
 اكلاش يله رق اشبو اخباراته و ژورنال مآلند
 نه ديه جكلرى متهمان مرقومان حسن و محموددن
 صورلدقده انكارلرنده اصرار ايتلرله تحقيقاتك
 بولندن عبارت ايدوكى بيان اولتمسى اوزر ينه معاون
 مومى اليه جدى افندى مرقومان حسن و محمودك
 مشتركاً على بكت عرصه سى دروننده بولنان
 اشيا يى سرقت ايتك قصديه يالكز حسن كيروب
 محمودك دخى بوايشده برابر اولديغى اخبارات
 و امارات ايله ثابت اولديغندن مجرميتلر ينه و وكيل
 رجائى افندى دخى مؤكللىرى حسن و محمودك

سرقت قصديه مذ كور عرصه يه دخوللر ينه
 دائر براماره موجود اولديغى كجى معاينه اولنان
 اشيا دن دخى برضايعات كورلمديكى و مرقوم
 حسن طوتلديغنده بچاق ايله تيمورك مرقومك
 اوزرندن ظهور ايتديكى متحقق اولمديغندن
 و سرقت قصديه كيرديكى ادعا اولنان قپو ايسه
 ذاتاً ال ايله اچيلور بر قپو بولنديغندن بولر حقلرنده
 درميان اولنان احوال حكم ايچون تأمين وجدان
 ايدهميه جكنى بالبيان برائت ذمترلر ينه قرار و برلمنى
 طلب ايتلرله و لدى السؤال طرفينك برديه جكلرى
 اولديغى اكلا شيلغله ختام محاكاه بالفهيم مذاكره
 او طه سنه كلندى
 طرفينك ادعا و مدافعاتى و تدقيق اولنان افادات
 مضبوطه اوراقى اوزر ينه ايجاب كيفيت لى المذاكره
 متهم حسن خانجى على بكت عرصه سنه بالدخول
 امانت اشيا بولنان او طه قپوسنى نزدنده كى تيمور ايله
 اچهرق فضيحه سرقرته تصدى ايلديكى حالده
 دردست اولنديغى و اوزرندن دخى بر بچاق ايله
 برده كبرجه تيمور ظهور ايلديكى حضور محاكاه ده
 استماع ايديلان طاهر واحد و اسماعيل طرفلرندن
 مع القسم خبر و لمسنه و اخبارات واقعه اساسى
 ژورنالى مالى ايله دخى تأييد ايتلمسنه و مرقوم
 حسنك حين دردستنده اوزرندن بر بچاق ايله برده كبر
 جه تيمور ظهور ايلديكى احوال موجوده ايله
 متحقق بولتمسنه نظراً مرقومك انكارى و وكيل
 مومى اليهك مدافعه سى غير وارد اولوب مدعى

شخصى على بكت امانت اشيا بولنان او طه قپوسنى
 آلت مخصوصه استعماليله اچهرق فعل سرقرته
 تصدى ايلديكى متحقق ايتمكله مجرميته و رفيق
 محمود حقنده درميان اولنان احوال حكم ايچون
 درجه كفايه ده كوريله مديكندن برائت ذمته
 مرقومك بشقه برسيدن طولايى موقوف دكل
 ايسه تخليه سبيلنه متفقاً قرار و يريله رك اولبايده
 تنظيم اولنان قرارنامه علتاً قرائت اولندقده
 مجرميته قرار و يريلان حسنك قانون جزانك
 ايكيوز اوتوزنجى ماده سى علاوه سى منظوقجه
 ايكيوز يكرنجى و سكرنجى ماده لر ينه توفيقاً تعيين
 مجازاتى و وكيل مومى اليه دخى تخفيف جزاسنى
 طلب ايتلرله مذاكره او طه سنه عودت اولندى
 جهت جزاييه سى لى التذكر مرقوم حسنك
 اون قباننده واقع خليل اغانك خانه سندن فعل
 سرقرته تصدى ايتسندن طولايى قانون جزانك
 ايكيوز اوتوزنجى ماده سى علاوه سى منظوقجه
 ايكيوز يكرنجى ماده سنه تطبيقاً درت سنه
 مدته كورك جزاسيله محكوم اولديغى و حكم
 مذ كورك دخى محكمه تميزدن تصديق ايلديكى
 قيداً مستبان اولقله حركتى معاون مومى اليهك
 طلبى وجهله قانون جزانك ايكيوز اوتوزنجى ماده سى
 علاوه سى حكمنجه ايكيوز يكرنجى و سكرنجى
 ماده لر ينه موافق اولديغنه و علاوه مذ كورده
 فعل سرقتك اجراسنه تصدى ايدوبده يداختيارنده
 اوليسان اسباب مانعه حيلوليتله برشى اله ماش

اعلان

ار نبود قریه سنده طوغری بولده چشمه قارشوسنده ساکن اون بش یاشنده بربر دیمتری بی بالاغفل بشکطاشده داریجه لی نیقولینک میخانه سنده سرخوش ایتسد کدنصکره لیلأ اوه کتورمک بهانه سیمله محل مذکور جوارنده برلنان بیچهرک ایچنه کتوره رک جبراً فعل شنبع اجرا ایلدیک ادا قلمسندن طولابی مظنون علیه اولان بشکطاشده کوی ایچنده کلیسا زغاغنده ساکن مناو اصنافندن اورته بویلی مائی کوزلی ابلان چهره لی صاری بقلی طقنازجه طلومبه جی عباسی اکسا ایدر بکرمی بش یاشنده مراد اوغلی فراری نیقولینک فعل مذکوره جرأته داتراورانی تحقیقیه ده دلائل کافیه موجود وحرکتی دخی قانون جزانک بوز طقسان سکرنجی ماده سی حکمی مستلزم افعال جنایته دن معدود اولدیغنه مبنی اصول محاکمات جزاییه قانونک باب رابعنک فصل نایسنده محرر مواد احکامنه توفیقاً غیباً درسعادت محکمه استینافیسه سی جنایت قسمنده محاکمه لری اجرا اولتمق اوزره جنایتله اتهامنه قرر ویرلدیکندن متهم مرقوم نیقولی هر نزه ده کوریلور ایسنه محکمه مذکوره حبسخانه سنه تسلیمی بالجمله ضابطه عدلیه مأمورلینک معلومی اولق اوزره اشبو

اولان خرسزر حقنده تصدی ایلدیک فعاک درجه سنه کوره سرقت جزاسی اجرا اولنور وایکیوز بکر منجی ماده ده دخی هر نه قدر انسان اقامت ایدر محل اولسه ویا خود مسکون محله متعلق بولمسه بیه قبالی و دیوار ایله محدود اولان محلاک دیوارینی دلهرق ویا زردبان ایله اشهرق ویالت مخصوصه ایله قپوسنی اچهرق خرسزلق ایدنلر موقتاً کورکه قونیلور وسکرنجی ماده ده دخی قانونک تعیین ایتدیک احوال دن ماعدا یرلده مکررلر حقنده جزاییک قات اولهرق حکم اولنور دیومحرر بولندیغنه مبنی مرقوم حسنک بوماده لر احکامنه توفیقاً وایتنای توقینی اولان اوچیوز اوچ سنه سی ذی الحجه سنک اوچنجی کونندن اعتباراً اون طقوزنجی ماده قانونیه منطوقجه بعدالتشهر التي سنه مدته کورکه قونیسنه وضبط واعلام واستطاق خرجلری اولان جمعاً اوچیوز قرق غروشک مرقوم دن بالتحصیل عدلیه وزنه سنه تسلیم ایتدیرلمسنه بیک اوچیوز درت سنه سی صفرینک اون دردنجی کوننه مصادف اولان بیک اوچیوز ایکی سنه سی تشرین اولنک بکرمی طقوزنجی کونی منقلاً قرار ویرله رک تفهیمی اجرا و اصول محاکمه که جه معین اولان معاملات ساثره دخی ایفا قلندی

۱۷ تشرین ثانی سنه ۳۰۲

اخذ گرفت امری درسعادت هیئت اتهامیه سندن بالسطیر اعطا قلندی

فی ۱۷ ربیع الاول سنه ۱۳۰۴
وفی ۱ کانون اول سنه ۱۳۰۲

اطه یازارنده صندوق ناحیه سنه مضاف صغوق صو قریه سنده کائن سلیمان اورماننده تکنه جیلک ایدن پنابوط ایله رفیق یالینک اشبارینی اخذوغصب ایتلرندن طولابی مظنون علیهما اولوب فرارده بولنان اوزنجیه بویلی ضعیفجه وتر صاری بقلی و صاری چهره لی و صاچلی بکرمی یاشنده حوت ایله اوزنجیه بویلی و براز اسمر چهره لی و سیاه تر بقلی واتنه طولوغونجه بکرمی یاشنده راقونک فعل مذکور دن طولابی اوراق تحقیقیه ده اتهاملرینه دلائل کافیه موجود وحرکتلری دخی قانون جزانک ایکیوز بکرمی برنجی ماده سنه موافق افعال جنایته دن معدود اولغله مرقومانک اصول محاکمات جزاییه قانونک باب رابعنک فصل نایسنده محرر مواد احکامنه توفیقاً جنایاتی رؤیتسه مأمور از میسد بدایت محکمه سی جزا داتره سننده محاکمه لری اجرا قلمق اوزره جنایتله اتهاملرینه قرار ویرلدیکندن متهم مرقومان هر زده کوریلور ایسنه طوتیلوب محکمه مذکور

حبسخانه سنه تسلیمی لازم کله جکی بالجمله ضابطه عدلیه مأمورلینک معلومی اولق اوزره اشبو اخذ و گرفت مذکره سی هیئت اتهامیه دن تسطیر قلندی

فی ۲۷ ربیع الاول سنه ۱۳۰۴
وفی ۱ کانون اول سنه ۱۳۰۲

عبدالله وهی افندینک ا کین بدایت محکمه سندن ویریلان فی ۳ تموز سنه ۳۰۰ تاریخلو اعلام موجبجه عبدالله اغا ذمتنده اولان الاجفنگک تأمین استینافاسیچون تحت ججه الدیریلان فاتح جوارنده واقع دوه خانی جاده سنده ۶۷ نومرولی نقیب خائنده مع مشتملات متصرف اولدیغی ثمن حصه شایعه سنک تاریخ اعلانن اعتباراً اون بشکون صکره بالزایده فروخته تشبث اولنه جعی درسعادت مرکز اجرا داتره سندن اعلان اولنور

فی ۲۶ تشرین ثانی سنه ۳۰۲

فرانسه دولتی تبعه سندن اقتیک و کریمه سی روزا قادیلرک متوفی خرده جیان اندون افندی ورثه سنه اولان دیون محکومه لرندن طولایی مزبوره اقتیک قادیلرک خصه دینک تسویه سیچون بوندن اقدام موقع مزایده به قونیلان قاضی قره سنده عثمان اغا محله سنده فنار جاده سنده واقع بر طرفی اندریه سمدانی املاکی وایکی طرفی طریق جدید و طرفی رابعی فنار جاده سیله محدود مکرر بکرمی اویچ نومرو ایله مرقم معلوم الزراع متصرفه اولدیغی بر قطعه عرصه نیک بهر ارشون عتیق عثمانلی لیراسی یوز غروش حسابیله اون ایکی غرو شده طالبی عهده سنده قالمش و تاریخ اعلان اعتباراً اوتوز بر کونه یعنی کله جک کانون اولک یکریمی سکرنجی بازار کونی ساعت اونه قدر یوزده بش ضم قبول اولتمی و ذکر اولنان یوم و ساعتده صوک مزایده سی بالا اجرا قرار قطعیسی ویریلرک طالبی عهده سنه یکورلمسی مقرر بولنش اولدیغندن واندنصکره نه ضم وقوع بولورسه قبول اولتمیه جغندن یوزده بش ضمیمه طالب اولنلرک ودها زیاده معلومات المق استیانلرک مدت مرقومه ظرفنده محکمه تجارت اجرا دائره سنه مراجعت ایللری و یوم و وقت مزبورده محل مذکوره حاضر بولملری اعلان اولنور

فی ۲۷ تشرین ثانی سنه ۳۰۲

قاکلیجه اهالی سندن قدری افندیلرک نومرو اولو بکقوز بدایت محکمه سنک بر قطعه اعلامی موجب همشیره سی فاطمه یه مدیون اولدیغی مبلغ معلومه نیک تسویه سی ضمنده مدیون مرقومک بوزاز ایچنده چپوقلی نام محله متصرف اولدیغی اوتوز طقوز و قرق بر نومرو اولو ایکی باب بیکار او طه لرئ اقدیجه تحت حجزه انهرق محکمه مذکوره اجرا دائره سندن لدی المزایده لیره یوز غروشدن بیلد بشیوز غرو شده طالبی عهده سنده تقرر ایش اولمغله بوندن یوزده بش ضمیمه طالبی اولنلرک تاریخ اعلان اوتوز بر کونه قدر محکمه مذکوره اجرا مأمورینه مراجعت ایللری اعلان اولنور

فی ۲۸ صفر سنه ۳۰۴

فی ۱۲ تشرین ثانی سنه ۳۰۲

وصی حسین حلقی بکک اسماعیل و عمر اغار ذمته با اعلام شرعی الاجغی اولان مبالغ معلومه نیک تأمین استیفاسی ضمنده مدیون مرقومانک عهده لرنده اولوب مرهون بولنان استانبولده قومقبو خارجنده کورجکی باشی محله سنده کوچک دکر جای زقاغنده واقع الی نومرو ایله مرقم بر باب چاشویچی دکانی کدکنک نصف حصه شایعه سی

بوندن مقدم مزایده یه قونیلر رق لیرا یوز غروش حسابیله ایکی یوز غروشده طالبی اوزرنده تقرر ایش اولدیغندن یوزده بش ضمیمه بوندن زیاده طالب اولنلرک اشبو تاریخ اعلان اعتباراً اوتوز بر کونه قدر در سعادت اعلامات شرعیه اجرا دائره سنه مراجعت ایللری فی ۲۹ تشرین ثانی سنه ۳۰۲



فاطمه زافر خانمک محمد هزت بک ذمته با اعلام شرعی الاجغی اولان مبالغ معلومه نیک تأمین استیفاسی ضمنده مدیون مومی الیهک برادری سعید بک و همشیره سی ناجیه خانم ایله برابر متوفی پدرلری امین بکدن انتقالاً متصرف اولدق لری استانبولده قاضی عسکر محمد افندی محله سنده حسرو پاشا جاده سنده واقع اوتوز بر نومرو ایله مرقم درونه بر یچق ماصورا ماء لذینی جاری بر قطعه قوناق عرصه سی تمامنک مرپورتان سعید و ناجیه خانمک و مشترکاً ویرمش اولدق لری بر قطعه سنده موجب اشبو تاریخ اعلان اعتباراً اون بش کون صکره فروختسه تشبث اولنه جغندن طالب اولنلرک و پی سورمک استیانلرک مدت مذکوره ختامندن صکره در سعادت اعلامات شرعیه اجرا دائره سنه مراجعت ایللری

فی ۲۹ تشرین ثانی سنه ۳۰۲



بکقوزده ساکن باروتجی حسن افندیلرک بکقوز بدایت محکمه سی ۲/۱ نومرو لو اعلام موجب قریه مذکوره ساکن غلطه لی احد افندی یه محکوم بولدیغی اعلام اوزرینه حسب النظام دائره اجرا دن تحت قراره النان مصارف مقبوله و مقرر نیک تسویه سی ضمنده محکوم مومی الیهک تحت تصرفنده اولان قریه مذکوره واقع شاهین قیل جاده سنده معلوم الحدود ایش الی نومرو ایله مرقم صرف ملک اون دونم تر لاسی دائره اجرا دن تحت حجزه النمش و تاریخ اعلان اعتباراً اون بش کون صکره مزایده یه قونیلر جغنی بکقوز اجرا مأموریندن اعلان اولنور

فی ۱۵ ربیع الاول سنه ۳۰۴

فی ۲۹ تشرین ثانی سنه ۳۰۲



جای زاده حسن افندیلرک محمد راشد افندی علیهنده اقامه ایلدیکی الهجق و استرداد امانت دعواسنک اوچ یوز ایکی سنه سی کانون اولک یکرمنجی جمع ایرتسی کونی ساعت التیده در سعادت بدایت محکمه سی حقوق دائره سنجه اجرای محاکمه سی تقرر ایش و مومی الیه محمد راشد افندیلرک معلوم بر اقامتکاهی و محل سکناسی اولدیغی مدعی عمومی مومی الیه حسن افندیلرک با سند مصدق و کیلی مار دیروس قلابیان افندیلرک تحریراً و شفاهاً واقع اولان افاده سندن اکلاشلش

اولغله موھی الیه راشد افندیك یوم ووقت
مذکورده لاجل المحاکمه دائره مذکوریه بالذات
کلمسی ویاخود سند مصدقله طرفندن بروکیل
کوندرسی ضمنده اصول محاکمه حقوقیه قانون
موقتک بکرمی التبحی ماده سنک فقره اخیره سی
حکمنه توفیقاً ایکنجی دفعه اوله رق اعلان کیفیت
اولنور

فی ۱۶ ربیع الاول سنه ۳۰۴

وفی ۱ کانون اول سنه ۳۰۲

~~~~~

متوفی حسن تحسین افندی ورثه سنک اصیل  
دو نیجه و کفیلاری پنا یوط و پترو خرس تو ذمترنده  
با اعلام شرعی الاجقلمی اولان مبالغ معلومه نک  
تأمین استیفاسی ضمنده اصیل مدیونه مرقومه نک  
عهده سنده اولوب مرهون بولنسان حاصکوی  
قصبه سی محلاتندن محمود اغا محله سنده واقع  
ابو الخیر بستاتی دیمکله معروف بر قطعه بستان  
کدکنک اشبو تاریخ اعلانن اعتباراً اون بش  
کون صکره بالمزایده فروخت اولنه جغندن طالب  
اولنلرک و پی سورمک استیانلرک مدت مذکوره  
ختامندن صکره در سعادت اعلامات شرعیه  
اجرا دائره سنه مراجعت ایللری

فی ۱ کانون سنه ۳۰۲

~~~~~

اکاه بکک $\frac{۳۰۴}{۱۸۹}$ نومرولو اعلام موجبجه ملهر
بکه محکوم به دینی اولان مبالغ معلومه نک
تسویه سی ضمنده در سعادتده حاجی مصطفی اغا
محله سنده زندان قیو جاده سنده ۲۸۹
نومرولی بر باب بالموجبی دکانده درت حصه
اعتباریه متصرف اولدیغی ربع حصه شایعه نک
تاریخ اعلان اعتباراً اون کون صکره بالمزایده
فروخت ایتدیریله جکی بک اوغلی بدایت محکمه سی
اجرا مأموریتی جانبندن اعلان اولنور

فی ۱۷ ربیع الاول سنه ۳۰۴

وفی ۱ کانون اول سنه ۳۰۲

~~~~~

امینه خانمک  $\frac{۳۰۴}{۲۹}$  نومرولو اعلام موجبجه عطیه  
خانمه دینی اولان مبالغ تسویه سی ضمنده  
ایاز پاشا محله سنده چفته و او زغاغنده ۳ نومرو  
ایله مرق اولوب دأنه عهده سنده مرهون  
وفروختی محکوم اولان نصف خاک تاریخ  
اعلانن اعتباراً اون بش کون صکره بالمزایده  
فروختنه تشبث اولنه جغنی بک اوغلی بدایت  
محکمه سی اجرا مأموریتی جانبندن اعلان اولنور  
فی ۲ کانون اول سنه ۳۰۲

~~~~~